

T 2259.7/1631



Harvard College Library Imaging Services <http://imaging.harvard.edu>

CM	0	1	2	3	4	5	6	7	8	9	10	11	12	13	14	15	16	17						
Lab D50 2°	95/0/2		81/0/0		66/0/0		51/0/1		35/0/0		20/0/0		29/19/54		55/39/33		42/57/29		82/4/79		51/50/13		50/-28/-29	
		38/14/16		66/16/18		50/-5/-22		43/-14/21		55/-9/-25		71/-32/0		62/34/60		40/9/43		52/48/17		31/21/-21		72/-23/57		73/19/68

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
SEP 1 1938

國朝列卿紀卷之一百五十四

南京大僕寺少卿年表

蘇實 人進士 洪熙元年任

龐壘 四川南充人進士 宣德元年任

鄭復年 浙江鄞縣人進士 宣德九年任

楊亨 直隸山陽人國子生 正統三年任

白素 直隸徐州人國子生 正統六年任

王榮 詳卿 正統八年任

鄧浩 湖廣華容人國子生 正統十一年任

翟敬 順天大興人進士 景泰三年任

哈佛大學漢和圖書館珍藏印

鄭悠 詳卿景泰四年任

盧祥 廣東東莞人進士天順二年任

程信 直隸休寧人進士天順四年任

國盛 山東淄川人進士天順五年任

魯崇志 浙江天台人進士天順八年任

蔣敵 應天江寧人進士成化十年任

于冕 浙江錢塘人官生成化十五年任

雷澤 山西忻州定襄人進士成化二十一年任

張鐸 直隸真定人進士成化十九年任

李温 順天灤縣人進士成化二十年任

唐章 直隸獻縣人進士成化二十一年任

呂憲 浙江秀水人舉人成化二十二年任

林鳳 浙江樂清人錦衣籍進士弘治二年任

張賁 詳卿弘治六年任

李應禎 直隸吳縣人鄉舉弘治六年任

李鏊 河南湯陰人進士弘治八年任

張泰 湖廣順德人進士弘治十年任

胡諒 河南靈寶人進士弘治十一年任

夏崇文 湖廣長沙人進士弘治十三年任

陳大章 直隸盱眙人進士弘治十三年任

鄭宗仁 見卿弘治十七年任

侯觀 直隸雄縣人進士 弘治十八年任

楊廉 江西豐城人進士 正德二年任

王彥奇 四川雲陽人進士 正德二年任

張淳 直隸合肥人進士 正德四年任

石祿 直隸滁州人進士 正德四年任

謝綬 山東朝城人進士 正德五年任

蔣恭 四川巴縣人進士 正德六年任

文森 湖廣衡山人進士 正德七年任

王守仁 浙江餘姚人進士 正德七年任

呂元夫 直隸無錫人進士 正德十年任

何棐 直隸大興人進士 正德十年任

曹倣 直隸丹徒人進士 正德十一年任

潘希魯 見卿正德十一年任

劉瑞 四川內江人進士 正德十四年任

王爌 浙江黃巖人進士 正德十六年任

汪玄錫 直隸婺源人進士 正德十六年任

王韋 應天江浦人進士 嘉靖元年任

牛鳳 河南葉縣人進士 嘉靖二年任

陳達 福建閩縣人進士 嘉靖三年任

楊欽 直隸合肥人進士嘉靖四年任

鄭裕 四川內江人進士嘉靖四年任

劉天和 湖廣麻城人進士嘉靖六年任

張英 順天三河人進士嘉靖六年任

王學夔 江西安福人進士嘉靖六年任

徐鈺 湖廣興國州人進士嘉靖六年任

夏尚朴 江西永豐人進士嘉靖八年任

劉穆 山西臨汾人進士嘉靖十年任

穆孔暉 山東堂邑人進士嘉靖十年任

鄧尚義 湖廣永興人進士嘉靖十一年任

張珩 山西石州人進士嘉靖十二年任

周文興 浙江江山人進士嘉靖十二年任

王以旂 應天江寧人進士嘉靖十二年任

姜清 江西弋陽人進士嘉靖十三年任

吳仲 直隸武進人進士嘉靖十四年任

崔桐 直隸海門人進士嘉靖十四年任

鄭本公 山西行都司朔州衛人進士嘉靖十四年任

朱廷立 湖廣通山人進士嘉靖十六年任

田濡 詳卿嘉靖十六年任

陳侃 浙江鄞縣人進士嘉靖十七年任

戴金 湖廣漢陽人進士 嘉靖十八年任

傅炯 江西進賢人進士 嘉靖十九年任

趙元夫 山西東平人進士 嘉靖二十二年任

胡奎 江西峽江人進士 嘉靖二十二年任

汪宗元 湖廣崇陽人進士 嘉靖二十四年任

高澄 順天固安人進士 嘉靖二十四年任

扈永通 山東曹縣人進士 嘉靖二十六年任

鄭曉 浙江海鹽人進士 嘉靖二十八年任

余胤緒 見卿嘉靖二十九年任 本年改北

雷禮 浙江豐城人進士 嘉靖二十九年任 本年改北

章煥 直隸吳縣人進士 嘉靖三十四年任 陞光祿寺卿

劉學易 山東壽光人進士 嘉靖三十一年任 本年改北

呂懷 江西永豐人 嘉靖三十四年任

王楠 順天三河人 嘉靖三十四年任 陞南鴻臚寺卿

王慎中 福建晉江人 嘉靖三十四年任 陞南鴻臚寺卿

孫植 浙江平湖人 嘉靖三十四年任 陞南鴻臚寺卿

黃廷用 福建莆田人 嘉靖三十六年任

戴才 直隸滄州人 嘉靖三十六年任

趙鈇 直隸桐城人 嘉靖三十七年任

秦梁 直隸無錫人 嘉靖三十七年任 陞南京鴻臚寺卿

李鳳毛 四川彭縣人嘉靖庚戌進士三十一年任

毛鵬 直隸棗強人嘉靖丁未進士嘉靖三十九年任

萬恭 江西南昌人嘉靖甲辰進士三十四年任四十二年陞南京鴻臚寺卿

洪朝選 福建同安人嘉靖辛丑進士四十一年推

劉秉仁 湖廣大冶人嘉靖丁未進士四十年任

鄭本立 浙江蘭谿人嘉靖進士四十一年任

徐養正 廣西馬平人嘉靖辛丑進士四十一年任

劉逢愷 江西泰和人嘉靖進士四十二年任

盛汝謙 直隸桐城人嘉靖辛丑進士四十二年任

吳遵 浙江海寧人嘉靖丁未進士四十三年由尚寶司卿陞任四十五年陞南太常寺少卿

李際春 河南杞縣人嘉靖丙辰進士四十二年由尚寶司卿陞任隆慶二年陞太僕寺少卿

朱天球 福建漳浦人嘉靖丁未進士隆慶元年任

邢守庭 河南臨潁人嘉靖丙辰進士隆慶二年由太常寺少卿調任卒

王宗載 湖廣京山人嘉靖壬戌進士隆慶二年由廣西道御史任六年九月改北

殷從儉 廣西桂林人嘉靖進士隆慶三年任

趙軌 山西高平人嘉靖進士隆慶四年任

陸光祖 浙江平湖人嘉靖丁未進士萬曆元年由太常寺少卿起補南京太僕寺少卿

劉穩 湖廣鄱縣人嘉靖丙辰進士萬曆二年由廣東副使任本年卒

廖逢節 河南固始人嘉靖丙辰進士萬曆三年由巡撫甘肅右僉都調任本年丁憂卒

陳行健 浙江烏程人嘉靖乙丑進士萬曆四年由太常寺少卿補任五年降調

張孟男 河南中牟人嘉靖乙丑進士萬曆六年
年由尚寶司卿陞任本年陞本寺卿

尹瑾 廣東東莞人隆慶辛未進士萬曆十年由吏
科都給事中十月任十四年九月養病

詹仰庇 福建安溪人嘉靖乙丑進士萬曆十四年
由山東副使任十五年陞協院左僉都

施策 直隸無錫人隆慶辛未進士萬
曆十五年二月由尚寶司卿任

胡用賓 直隸婺源人隆慶戊辰進士萬
曆十九年由南通政參議任

南京太僕寺少卿行實

蘇實字 人永樂 進士洪熙元年任

龐壘字 四川順慶府南充縣人永樂甲申進士宣德元年

陞南京太僕寺少卿八年致仕

鄭復年字 浙江鄞縣人永樂丙戌進士宣德九年任

楊亨字 直隸淮安府山陽縣人永樂中國子生授刑部主

事歷本部郎中正統三年陞太僕寺少卿六年致仕

白素字 直隸徐州人永樂中國子生授 知縣陞太僕

寺丞歷 正統六年陞太僕寺少卿七年卒於官

王榮詳卿正統八年任

鄧浩字
湖廣岳州府華容縣人永樂中國子生授戶部主事歷本部郎中正統十一年陞南京太僕寺少卿景泰三年致仕

翟敬字
順天府大興縣人正統壬戌進士景泰三年由吏科左給事中陞任改太僕寺少卿天順元年陞南京大理寺右少卿四年降惠州知府詳大理寺

鄭悠詳卿景泰四年任七年丁憂天順五年再任

盧祥字
廣東廣州府東莞縣人正統壬戌進士天順二年由禮科都給事中陞任本年丁憂八年補順天府丞陞巡撫延綏都察院右僉都御史詳延綏巡撫

左侍郎詳兵部

王宗彝名倫以字行成化十五年以都餉郎中叙建州功陞少卿尋陞右僉都御史巡撫遼東

吳原見卿成化十七年任

李溫見卿成化二十二年任

王景字
直隸鳳陽府靈璧縣人成化丙戌進士授江西樂安知縣擢監察御史十七年陞通政司左叅議十九年陞通政司右通政二十二年改太僕寺少卿致仕

秦崇字
山東兗州府單縣人天順庚辰進士成化二十三年由戶科都給事中任弘治元年陞南京光祿寺卿詳應天巡

撫

彭禮見卿成化二十三年由兵部職方司郎中陞任弘治五年

陞卿

李鑑字

河南河內人進士弘治元年任

楊謐字文寧河南開封府儀封縣人成化己丑進士弘治元年

由山東道御史陞任本年遷大理寺右少卿累官兵部右侍郎

詳兵部

白思明字

山西平定人成化丙戌進士二十二年任吏部

考功司郎中二十三年改文選弘治三年任陞都察院右僉都

御史

程信字彥實直隸徽州府休寧縣人正統壬戌進士天順四年

由左僉都御史調任五年陞刑部右侍郎累官南京兵部詳南

京兵部尚書

國盛字

山東濟南府淄川縣人正統戊辰進士擢吏科給

事中歷工科都給事中景泰二年陞順天府丞天順元年陞通

政司左通政五年調南京太僕寺少卿七年致仕

魯崇志字

浙江台州府天台縣人景泰甲戌進士天順八

年由科都給事中陞任成化十三年陞應天府詳應天府

蔣敵字

應天府江寧縣人正統戊辰進士擢吏科給事中

天順七年陞尚寶司丞成化八年歷尚寶司卿十三年陞南京

太僕寺少卿十四年致仕

于冕字

浙江杭州府錢塘縣人以少保蕭愨公廕中書舍

人成化十五年由禮部祠祭司郎中陞任二十年陞應天府尹
詳應天府

雷澤字

山西太原府忻州定襄縣人天順甲申進士成化

十六年由刑科都給事中陞任十九年丁憂後二十二年再任
弘治二年陞南光祿寺卿詳南京光祿寺

張鐸字

直隸真定人天順甲申進士任工科都給事中成

化十九年任

李温字景和順天府灤縣人天順庚辰進士成化二十年由行

太僕寺少卿陞任二十二年改太僕寺累官戶部左侍郎提督

四夷館詳四夷館

唐章字

直隸河間府獻縣人成化丙戌進士二十一年由

禮科左給事中陞任弘治二年陞太僕寺卿詳太僕寺

呂憲字秉之浙江嘉興府秀水縣人天順中以父文懿公原廕

中順天辛丑鄉試成化二十二年由禮部主客司郎中陞任弘

治四年改南通政歷南太常寺卿詳南京太常寺

林鳳字

浙江温州府樂清縣人錦衣衛籍成化丙戌進士

弘治二年由兵部郎中陞任六年陞光祿寺卿歷工部左侍郎

詳工部

張賁詳卿弘治四年任

李應禎初名惟熊直隸蘇州府吳縣人景泰癸酉鄉舉入大學有中貴欲致爲塾師固拒之授中書上命爲浮屠書疏言丸經未有以浮屠者忤旨薄責久之拜職方郎遷尚寶司卿弘治六年陞南京太僕寺少卿八年致仕體貌嚴峻衣冠偉楚推轂後進成就之惟恐不至與人交雖疎必恤其匱好古博學喜面折人過卒無爲歛友人助之

李鏊字時器河南彰德府湯陰縣人成化壬辰進士弘治七年由鴻臚寺少卿陞任十年陞光祿寺卿累官工部尚書詳工部張秦字叔亨廣東廣州府順德縣人成化丙戌進士弘治十年由浙江道御史陞任十三年遷大理寺左少卿累官南京戶部尚書詳南京戶部

胡諒字久夫河南河南府靈寶縣人成化戊戌進士弘治十一年由監察御史陞任十六年陞南京光祿寺卿歷工部右侍郎詳工部

夏崇文字湖廣長沙縣人成化戊戌進士弘治十三年由南京通政司右叅議陞任十七年遷南京右通政詳南京通政司

陳大章字直隸泗州盱眙縣人成化甲辰進士弘治十三年任十八年丁憂後起太僕寺少卿致仕

鄭宗仁字 見卿弘治十七年由尚寶司卿陞任正德二年
改太常寺

侯觀字 直隸保定府雄縣人成化戊戌進士弘治十八年
由戶部郎中陞任正德二年丁憂後起太常寺少卿累官戶部

尚書詳戶部

楊廉字方震江西南昌府豐城縣人成化丁未進士正德二年
由南京光祿寺少卿陞任四年丁憂後起右通政累官南京禮

部尚書卒謚文恪詳南京禮部

王彥奇字 四川夔州府雲陽縣人弘治庚戌進士正德二

年由陝西參政陞任四年改應天府丞陞巡撫遼東右僉都御

史詳遼東巡撫

張淳字 直隸廬州府合肥縣人成化丁未進士正德四年

由四川副使陞任七年陞應天府尹歷巡撫保定右副都御史
詳保定巡撫

石祿字 直隸滁州人弘治庚戌進士正德四年由 叅

政陞任五年改順天府丞未任詳順天府

謝綬字 山東東昌府朝城縣人成化甲辰進士正德五年

由四川副使陞任六年遷大理寺左少卿歷巡撫大同右僉都
御史詳大同巡撫

蔣恭字 四川重慶府巴縣人成化丁未進士正德六年由

吏部驗封司郎中陞任七年陞南京右通政累官南京戶部右侍郎詳南京戶部

文森字湖廣衡州府衡山縣人成化丁未進士正德七年陞監察御史陞任十一年陞巡撫南贛汀漳右僉都御史以病

辭兵部劾其托病罷免未任

王守仁字伯安浙江紹興府餘姚縣人弘治己未進士正德七年由吏部考功司郎中陞任九年陞南京鴻臚寺卿累官南京兵部尚書詳南京兵部

呂元夫字直隸常州府無錫縣人弘治丙辰進士十八年任吏部文選司主事正德元年陞稽勲司員外二年陞稽勲司

郎中六年陞南通政司左叅議十年陞南京太僕寺少卿本年閑位

何棐字直隸揚州府大興縣人弘治壬戌進士正德六年


陞副使十年陞南京太僕寺少卿十二年致仕

曹倣字直隸鎮江府丹徒縣人弘治乙丑進士正德六年擢道監察御史十一年陞南京太僕寺少卿十四年閑住

潘希曾見卿正德十一年由工科都給事中陞任

劉瑞字德符四川成都府內江縣人弘治丙辰進士正德十四年由浙江提學副使陞任時寺卿他出檄屬戒掊剋禁奸豪憫貧弱牧場侵於豪民者復之盜馬者抵之法馬政一新十六年

陞南京光祿寺卿歷南京禮部右侍郎詳南京禮部

王爌字  浙江台州府黃巖縣人弘治壬戌進士正德十六

年由刑科都給事中起任嘉靖二年改南京太常寺少卿累官

南京都察院右都御史掌院事詳南京都察院

汪玄錫字  直隸徽州府婺源縣人正德辛未進士十六年

由兵科都給事中陞任嘉靖二年改太僕寺少卿累官戶部右

侍郎卒贈戶部尚書詳戶部


王韋字欽佩應天府江浦縣人弘治乙丑進士正德十四年任

河南副使提督學校嘉靖元年任以病卒

牛鳳字  河南南陽府葉縣人正德辛未進士嘉靖二年由


吏部考功司郎中陞任四年改太常寺少卿歷南京太常寺卿

詳南京太常寺

陳達字  福建福州府閩縣人弘治乙丑進士嘉靖三年由

兵部武選司郎中陞任四年養病後起大理寺右少卿歷巡撫

山西右僉都御史詳山西巡撫

楊欽字  直隸廬州府合肥縣人弘治戊戌進士授戶部山

東司主事正德四年陞刑部四川司員外郎尋丁憂七年補戶

部雲南司員外郎八年陞廣西司郎中十年調兵部車駕司郎

中十一年陞光祿寺少卿嘉靖四年陞南京太僕寺少卿六年

卒於官

鄭裕字 四川成都府內江縣人弘治壬戌進士嘉靖四年

由南京尚寶司卿陞任五年改南鴻臚寺卿詳南鴻臚寺

劉天和字養和湖廣黃州府麻城縣人正德戊辰進士嘉靖六

年由陝西提學副使陞任未到本年改太常寺少卿提督四夷

館累官太子太保兵部尚書提督團營詳兵部

張英字 順天府三河縣人正德戊辰進士擢 道監察

御史嘉靖六年陞南京太僕寺少卿七年致仕

王學夔字一卿江西吉安府安福縣人正德甲戌進士嘉靖六

年由吏部文選司郎中陞任八年陞提督四夷館太常寺少卿

累官南京兵部尚書詳南京兵部

徐鈺字 湖廣武昌府興國州人弘治庚戌進士除行人司

行人十三年擢南京貴州道御史十五年丁父憂正德元年補

雲南道御史二年致仕六年起廬州府知府十一年致仕嘉靖

四年起漢中府知府六年陞陝西叅政本年陞南京太僕寺少

卿八年致仕

夏尚朴字敦夫江西廣信府永豐縣人正德辛未進士除南京

禮部主客司主事十一年陞南兵武選司員外郎尋養病嘉靖

二年起陞南兵車駕司郎中三年陞惠州府知府尋養病七年

起陞山東提學副使八年陞南京太僕寺少卿十年卒於官

劉穆字 山西平陽府臨汾縣人正德丁丑進士歷 科給

事中年陞吏科右轉戶科左

嘉靖六年

陞太常寺少卿改督四夷館本年閑住十年起南京太常寺少卿十一年閑住

穆孔暉字伯潛山東東昌府堂邑縣人弘治乙丑進士嘉靖十年由尚寶司卿陞任十二年陞南京太常寺卿卒贈禮部侍郎謚文簡詳南京太常寺

鄭尚義字

湖廣郴州永興縣人正德甲戌進士嘉靖四年

陞吏部驗封主事六年改文選司六年陞考功司員外郎八年陞考功司郎中九年陞文選司十一年陞南京太僕寺少卿本年閑住

張珩字佩玉山西太原府石州人正德辛巳進士嘉靖十二年由河南道御史陞任本年遷大理寺左少卿詳二邊總督

周文興字

浙江衢州府江山縣人正德戊辰進士嘉靖十

二年由光祿寺少卿陞任本年改南京鴻臚寺卿詳南京鴻臚寺

王以旂字士招應天府江寧縣人正德辛未進士嘉靖十二年由河南道提學御史陞任十三年改太僕寺少卿累官太子少保兵部尚書

姜清字

江西廣信府弋陽縣人正德辛未進士

禮部郎中嘉靖七年改吏部考功郎中本年陞尚寶司

少卿十年。陞南京光祿寺少卿。十三年。陞南京太僕寺少卿。本年卒於官。

吳仲字 **嘉靖** 直隸常州府武進縣人。正德丁丑進士。

嘉靖 年陞湖廣右叅政。十四年陞

南京太僕寺少卿。本年以冒濫京堂劾閑住。

崔桐字來鳳。直隸揚州府海門縣人。正德丁丑進士。第二名。嘉

靖十四年。由湖廣提學副使陞任。十五年。丁憂。十八年。起提督

四夷館太常寺少卿。累官禮部右侍郎。詳禮部。

鄭本公字 **嘉靖** 山西行都司朔州人。正德甲戌進士。歷御史。嘉

靖十四年。由南京大理寺丞陞任。十六年。陞大理寺少卿。詳大

理寺

朱廷立字子禮。湖廣武昌府通山縣人。嘉靖癸未進士。十六年

由浙江道提學御史陞任。十七年。養病。後起大理寺少卿。累官

禮部右侍郎。詳禮部。

田濡詳卿。嘉靖十六年任。

陳侃字應和。浙江寧波府鄞縣人。嘉靖丙戌進士。十七年。任南

京太僕寺少卿。本年卒於官。

戴金字 **嘉靖** 湖廣漢陽府漢陽縣人。正德甲戌進士。嘉靖十八

年。由巡撫順天。右僉都御史。調任。十九年。陞應天府尹。累官兵

部尚書。詳兵部。

傳炯字朝佐江西南昌府進賢縣人嘉靖癸未進士十九年由南京光祿寺少卿陞任二十三年遷大理寺少卿累官南京刑部尚書詳南京刑部

趙堯夫字企夫山東兗州府東平州人嘉靖己丑進士授刑部山西司主事十二年改雲南道御史二十一年改河南道監察御史二十二年陞南京太僕寺少卿二十四年自陳致仕

胡奎字應文江西臨江府峽江縣人正德辛巳進士嘉靖二十二年由光祿寺少卿陞任二十四年改太僕寺累官巡撫雲南都察院右副都御史詳雲南巡撫

汪宗元字子允湖廣武昌府崇陽縣人嘉靖己丑進士二十四

年由尚寶司卿陞任二十六年改南京鴻臚寺卿二十七年陞南太常寺卿二十九年陞總理河道右副都御史三十年降福建叅政詳通政使

高澄字肅卿順天府固安縣人嘉靖己丑進士二十四年由光祿寺少卿陞任二十六年陞四夷館太常寺少卿二十八年陞光祿寺卿歷撫河南右副都御史

扈永通字一貫山東兗州府曹縣人嘉靖壬辰進士二十六年由兵科都給事中陞任三十年陞南京光祿寺卿

鄭曉字室甫浙江嘉興府海鹽縣人嘉靖癸未進士二十八年由南京尚寶司卿陞任二十九年改南京鴻臚寺卿

國朝列傳
卷之百五十四
四十五
余胤緒詳卿嘉靖二十九年由南京通政司右叅議陞任本年改北太僕寺

雷禮字必進江西豐城縣人嘉靖壬辰進士二十九年由浙江提學副使陞任三十一年改太僕寺詳工部

章煥字懋實直隸吳縣人嘉靖戊戌進士任禮部主事二十七年陞吏部稽勲司員外二十八年轉考功二十九年陞驗封司郎中轉考功三十年陞南京太僕寺卿三十四年陞光祿寺卿三十六年陞巡撫河南右僉都御史三十八年陞總督漕運右副都御史三十九年改督南京糧儲未任下獄

劉學易字道南山東壽光縣人嘉靖戊戌進士三十一年任三十二年改北

呂懷字汝德江西廣信府永豐縣人嘉靖壬辰進士改庶吉士授科給事中改司直二十四年陞南京國子監司業二十五

年改右中允掌南翰林院事二十九年陞南通政司右叅議三十一年陞南京太僕寺少卿乞致仕

王楠字惟喬順天府三河縣人嘉靖戊戌進士任主事陞禮部司郎中二十四年改尚寶司丞二十七年陞本少卿尋陞尚寶司卿三十二年陞南京太僕寺少卿三十四年陞南京鴻臚寺卿

國朝列卿紀卷之一百五十五

鴻臚寺卿叙

夫鴻臚寺者即秦典客職也漢景帝六年改名大行令漢武帝
 大初元年更名大鴻臚掌諸侯歸義蠻夷等國職列九卿唐設
 卿一人少卿二人領典客司儀二署宋因之不改 國初置侍
 儀司為從五品衙門職專朝儀宣贊等事洪武九年改為殿庭
 禮儀司設使副承奉鳴贊序班十二年承奉革添設司儀九年
 更使為司正副為左右司副三十年始改鴻臚寺陞正四品衙
 門定設卿少卿丞主簿司賓署丞司儀署丞鳴贊序班後又設
 外夷通事亦隸焉永樂十九年定鼎北京在留都者加南京二

字但南京正卿類用科目出身而在北者多以監生選鳴贊出身累資陞正卿至隆慶元年正卿仍用科目出身者推陞尤為重其任焉今詳正卿年表於後其行實見於事紀其勲德茂著者表為列傳

國朝列卿紀卷之一百五十五

國初鴻臚寺卿年表

房

顯

入洪武三十年正月以司正改鴻臚寺卿

楊

砥

山西澤州人洪武甲戌進士革除四年任

樊

敬

山東鄆城人洪武乙丑進士永樂二年陞本寺卿三年改廣東左叅政詳刑部侍郎

陳

諤

廣東番禺人永樂戊子舉人十四年以吏科都給事中署寺事十五年改署工部

國初鴻臚寺卿行實

房顯字

人任儀禮司司正洪武三十年正月

改儀禮司為鴻臚寺以司正為鴻臚寺卿

楊砥字大用山西澤州人洪武甲戌進士革除二年任湖廣布

政司左叅議上書請敦親恩罷兵安置遼東四年成祖登極

特起鴻臚寺卿乞終制永樂二年起復為禮部左侍郎詳太僕

寺

樊敬字

山東鄆城縣人洪武乙丑進士歷鴻臚寺丞永樂

元年陞鴻臚寺少卿二年陞本寺卿三年改廣東左叅政詳刑

部侍郎

陳諤字克初廣東番禺縣人永樂十四年以吏科都給事中署寺事十五年改署工部詳順天府尹

國朝列卿紀卷之一百五十五終

國朝列卿紀卷之一百五十五

國初鴻臚寺少卿年表

仲 暉 人 洪武二十九年任

劉繼宗 吏科都給事中 洪武二十九年任

樊 敬 見卿永樂元年任

國朝列卿紀卷之一百五十五 大

國朝列卿紀卷之一百五十五

鴻臚寺卿年表

李

偉

永樂四年任人

楊

善

順天大興人生員永樂二十二年任正統間加至右都景泰元年加左都天順元年封伯俱掌寺事

徐永達

河南歸德人洪武中鄉舉洪熙元年由右中允陞任宣德五年陞按察使

趙

榮

陝西通渭縣籍生員正統十四年由中書舍人任景泰元年陞工部右侍郎

楊

興

福建晉江人監生景泰元年由戶部郎中任七年陞南京戶部右侍郎

楊

宣

人 成化 年任十三年五月劾免

施

純

順天東安人進士成化十三年任加至禮部尚書二十一年致仕

李 璣 山東濮州人進士正德十三年以通政使掌鴻臚寺事十四年陞左副都詳總儲戶部尚書

魏 鏡 直隸合肥人進士正德十五年由左少卿陞任歷加太常寺卿仍掌寺事

王道中 直隸撫寧人正德甲戌進士嘉靖十年任十五年陞大理寺右少卿

陳 璋

吳祖乾 人 嘉靖十九年由左少卿九年考滿任

靖 洪

蕭 瀾

李一元 直隸建德人嘉靖丁未進士隆慶元年任

李用敬 山東益都人嘉靖辛丑進士隆慶二年任

李際春 河南杞縣人嘉靖丙辰進士隆慶四年由太僕寺少卿陞鴻臚寺卿五年改太常寺卿

王之垣 山東歷城人嘉靖壬戌進士隆慶五年由太僕寺少卿陞鴻臚寺卿

屠羲英 直隸寧國人嘉靖丙辰進士萬曆元年由太僕寺少卿陞任改南太常寺少卿

陳學魯 直隸遵化籍山西陽城人嘉靖壬戌進士萬曆元年以戶部郎中選鴻臚寺少卿署掌寺事五年陞右通政

賈名儒 直隸廣平府人監生

楊宗仲 順天府涿天房山縣人監生

鴻臚寺卿行實

李偉

人永樂四年任

楊善字幼清順天府大興縣人生員靖難初以守城功授鴻臚寺序班永樂三年十一月以奏庶吉士章朴收藏方孝孺文集陞鳴贊歷寺丞永樂二十二年九月陞鴻臚寺卿

諭善曰朕初卽位凡吏治賢否民情休戚皆欲聞之而四方之遠無由盡達自今方岳大臣來朝引見朕親問之庶幾以悉下情洪熙元年二月遣善齎勅勞陽武侯薛祿以擒斬韃賊功宣德五年九月上率師巡邊命善率其屬從正統十一年加禮部右侍郎善練習朝章居官恭勤掌寺二十三年雅稱上

旨十四年 英廟北狩善時以右都御史從於百死中得一生
 還及也先入犯善與交趾舊將王通守城殺傷相當虜勢少沮
 遁去景泰元年虜使求通謫詐不可信善聞議和慨然欲往
 上從之人皆危懼善曰 上皇在虜食君祿者於心何安此為臣
 者效命之秋遂行至其境也先遣黠慧者偵之先以辭鋒挫其
 銳暴及見也先應對不窮反覆開論兇虜懾服奉 駕南還八
 月以功陞左都御史仍掌鴻臚寺事三年易儲加太子太保天
 順元年正月奉 英宗復辟封興濟伯仍掌寺事踰月改兼禮
 部尚書掌部事詳禮部

徐永達字

河南歸德人洪武

鄉舉任教諭永樂十八

年陞翰林編修二十二年十月陞右中允洪熙元年七月 宣

宗登極以春官舊寮擢鴻臚寺卿宣德二年十一月命永達為
副使同侍郎李琦等齎詔撫諭安南五年八月陞湖廣按察使

趙榮字

陝西通渭縣籍歷文淵閣中書舍人正統己巳朝

議使虜衆憚行榮請往內閣高穀嘉之陞鴻臚寺卿同侍郎王
復往還仍直文淵閣詳工部尚書

楊輿字

福建泉州府晉江縣人附籍京衛正統中由監生

授 邲王府伴讀十二年陞處州府知事十四年景泰登極以
潛邸恩進戶部郎中元年進鴻臚寺卿七年陞南京戶部右侍
郎天順元年致仕

施純字

順天府東安人尚書禮子成化丙戌進士任練習朝儀十六年加禮部尚書掌鴻臚寺事十七年二十年充讀卷官二十一年致仕

李璿字

山東濮州人弘治丙辰進士歷巡撫保定右副都御史正德十三年陞通政使掌鴻臚寺事十四年以左副都御史經略居庸山海邊關詳總督倉儲戶部尚書

魏境字

直隸合肥人羽林衛籍正德戊辰進士六年任鴻臚寺左少卿十五年九月考滿陞本卿初通事缺人見在通事假訪保名橫行求索視利輕重為出入嘉靖元年澆疏其弊凡選補各國通事除丁憂緣事俱不作缺其見缺十人以上及一

國全缺者在外行各邊鎮巡每缺精選一人送部在京不必通行通事訪保禮部劄鴻臚寺召選真正籍貫子弟取其印信保結粘連送部覆審相同再試每缺精選一人奏送該寺分派各國年深老成通事教習如本國無人許其自從師受業或鄰邦通曉者教之一年之後同邊方訪保到部之人通行試以夷語上者收補次者候缺下者黜退不得稱守候多年奏過濫收選時勘結人員不得以過犯項冒之人竄入著為令禮部覆議詔從之歷太常寺卿掌鴻臚寺事五年七月時詹事張璉請告省墓上命璉諭旨留之以為兵部侍郎

鄭紳錦衣衛籍直隸涑水人進士嘉靖五年任歷陞工部尚書

掌通政司事

王道中字直隸永平府撫寧人正德甲戌進士嘉靖十

年任鴻臚寺卿十五年改大理寺右少卿十六年陞順天府尹

陳璋字人嘉靖十六

年任

吳祖乾字人嘉靖十

年任鴻臚寺左少卿十九年九年考滿陞本寺卿

靖洪字

蕭瀾字

李一元字調卿直隸建德人嘉靖丁未進士任江西左叅政四十五年陞太僕寺少卿隆慶元年陞鴻臚寺卿遷太僕寺卿二年陞通政使

李用敬字仲學山東益都人嘉靖辛丑進士任戶科都給事中隆慶元年陞太僕寺少卿二年陞鴻臚寺卿

李際春字應元河南杞縣人嘉靖丙辰進士授行人四十一年以使琉球陞尚寶司丞乙丑陞本司少卿九月陞尚寶司卿丙寅陞南京太僕寺少卿隆慶戊辰改太僕寺四年正月陞鴻臚寺卿五年改太常寺卿詳通政使

王之垣字汝式山東新城人嘉靖壬戌進士隆慶五年由太僕寺少卿任萬曆元年陞大理寺右少卿

國朝列卿紀卷之一百五十六終

國朝列卿紀卷之一百五十七

南京鴻臚寺卿年表

冉秀

景泰三年任

陳學

浙江金華人正統初舉楷書歷南京太常寺少卿天順三年改任八年致任

袁愷

河南魯山人進士成化四年由巡撫遼東降任詳南京總督糧儲副都

李鎔

成化十年任

張達 江西泰和人弘治元年任詳工部右侍郎

陳壽 江西新淦人遼東寧遠衛籍弘治六年任詳南京刑部尚書

王璟 山東沂州人弘治十三年任詳都察院左都掌院事

孫繩 順天武清人成化中歲貢弘治十四年任詳兵部右侍郎

丁鳳 直隸蠡縣人進士弘治十八年任詳兵部右侍郎

趙履祥 直隸涇縣人弘治庚戌進士歷南京太常寺少卿正德五年任本年降四川僉事

夏昇 廣東南海人弘治庚戌進士正德五年任八年閑任

王守仁 浙江餘姚人正德九年任詳南京兵部尚書

毛珵 直隸吳縣人正德十一年任詳鄖陽撫治右副都

陸淞 浙江平湖人正德十三年任詳南京光祿寺卿

劉乾 直隸江陰人嘉靖二年任詳南京光祿寺卿

鄭裕 四川內江人弘治壬戌進士嘉靖五年由南京太僕寺少卿陞任七年閑任

張楠 直隸來安人正德戊辰進士嘉靖八年任十二年閑任

周文興 浙江江山人正德戊辰進士嘉靖十二年由南京太僕寺少卿陞任

歐陽德 江西泰和人嘉靖癸未進士十年任本年丁憂詳禮部尚書

胡森 浙江湯溪人正德辛巳進士嘉靖十九年任二十年閑任

項錫 浙江嘉善人嘉靖二十一年任詳南京光祿寺卿

歐陽德 見前嘉靖二十五年起任

汪宗元 湖廣崇陽人嘉靖二十六年任詳通政使

陸瑯 浙江嘉善人嘉靖丙戌進士二十七年任詳河南巡撫僉都

鄭曉 浙江海鹽人嘉靖二十九年任三十二年陞南光祿寺卿詳刑部尚書

楊大章 浙江餘姚人嘉靖癸未進士三十二年由湖廣右叅政陞任詳刑部侍郎

王楠 順天三河人嘉靖戊戌進士三十四年由南京太僕寺少卿任三十五年閑住

歐陽衢 江西泰和人嘉靖丙戌探花三十五年由南京尚寶司卿任三十六年考察年老去任

孫植 浙江平湖人嘉靖乙未進士三十六年由南京太僕寺少卿陞任見南京刑部尚書

秦梁 直隸無錫人嘉靖丁未進士三十九年由南京太僕寺少卿任見南京右通政

徐綱 湖廣興國人嘉靖甲辰進士四十年由應天府丞陞任見工部侍郎

萬恭 江西南昌人嘉靖甲辰進士四十一年由南京太僕寺少卿陞任見兵部侍郎

盛汝謙 直隸桐城人嘉靖四十二年任見南京戶部侍郎

袁洪愈 直隸吳縣人嘉靖丁未進士十四年任見南京太常寺卿

陳道基 福建同安人嘉靖庚戌進士隆慶元年任調四川按察司副使

李邦義 廣東連州人嘉靖丙辰進士隆慶元年任丁憂萬曆三年補太常寺少卿

史朝賓 福建晉江人嘉靖丁未進士隆慶二年任

孫鑰 浙江餘姚人嘉靖丙辰進士隆慶六年任萬曆二年陞太常寺少卿提督四夷館

何以尚 廣西興業人鄉舉萬曆元年由南京大理寺丞陞任

張佳胤 湖廣孝感人嘉靖庚戌進士萬曆四年任

王樵 直隸金壇人嘉靖丁未進士萬曆四年任

張煥 山東益都人嘉靖乙丑進士萬曆六年由南京尚寶司卿任九年四月陞巡撫南贛右僉都

周弘祖 湖廣麻城人嘉靖己未進士萬曆九年由南尚寶司卿丁憂

方九功 河南南陽人嘉靖乙丑進士萬曆九年十一月由四夷館少卿養病改任十一年陞南京右通政

徐元春 直隸華亭人萬曆十一年十一月由光祿寺少卿任十四年七月改太僕寺少卿

王鑑 南直無錫人嘉靖乙丑進士萬曆十四年由尚寶司卿任十七年乞休加太僕少卿

南京鴻臚寺卿行實

冉秀字

人

景泰二年任

陳學字

浙江金華縣人正統初舉楷書任南京太常寺少

卿天順三年改南京鴻臚寺卿八年致任

袁愷字
河南魯山縣人景泰甲戌進士成化四年以巡撫
遼東右僉都御史調任十年改光祿寺卿詳南京總儲

李鎔字

人

成化十
年任十七年四月

南京科道因災異論鎔與侍郎李本等不職 上留之
張達字時達江西泰和人天順甲申進士歷應天府丞弘治元
年改南京鴻臚寺卿十年陞南京光祿寺卿詳工部侍郎

陳壽字本仁江西新淦縣人遼東寧遠衛籍歷南京光祿寺少
卿弘治六年任十三年陞巡撫延綏右僉都御史詳南京刑部
尚書

王璟字廷和山東沂州人歷光祿寺少卿弘治十三年任十四
年陞右僉都御史清理兩淮鹽法詳都察院左都御史

孫繩字
順天府武清縣人成化中歲貢弘治十四年任十
六年致任

丁鳳字
直隸蠡縣人成化丁未進士弘治十八年任南京
鴻臚寺卿正德五年陞應天府尹詳兵部侍郎

趙履祥字
直隸寧國府涇縣人弘治庚戌進士正德四年

任南京太常寺少卿五年陞南京鴻臚寺卿本年降四川按察司僉事

夏昇字 廣東廣州府南海縣人弘治庚戌進士正德五年任八年閑住

王守仁字伯安浙江餘姚縣人弘治己未進士正德八年任南京太僕寺少卿九年陞南京鴻臚寺卿始專以良知之旨訓學者聞迎佛骨其疏欲納約自牖不果上十一年陞巡撫南贛江漳左僉都御史詳南京兵部尚書

毛珵字 直隸吳縣人正德九年任山東左叅議致仕十一年起南京鴻臚寺卿十二年陞南京太僕寺卿詳鄖陽巡撫

陸淞字 浙江平湖縣人任光祿寺少卿正德十二年陞南京鴻臚寺卿詳南京光祿寺

劉乾字 直隸江陰縣人弘治己未進士正德十六年任尚寶司卿嘉靖二年陞南京鴻臚寺卿詳南京光祿寺

鄭裕字 四川成都府內江縣人弘治壬戌進士嘉靖三年任南尚寶司卿四年陞南京太僕寺少卿五年任七年閑住

張楠字 直隸滁州來安縣人正德戊辰進士十一年任光祿寺丞十四年陞尚寶司少卿嘉靖六年陞太僕寺少卿八年陞南京鴻臚寺卿十二年閑住

周文興字 浙江衢州府江山縣人正德戊辰進士嘉靖八

年任光祿寺少卿十二年陞南京太僕寺少卿本年改南京鴻臚寺卿

歐陽德字崇一江西泰和縣人嘉靖癸未進士任六安知州六年擢刑部員外郎改編修十一年遷南尚寶司卿十七年陞太僕寺少卿尋改南京鴻臚寺卿丁憂三十一年用薦復爲南京鴻臚寺卿二十六年陞南太常寺卿本年改太常寺掌國子監事詳禮部尚書

胡森字秀夫浙江湯溪縣人正德辛巳進士嘉靖元年除刑部司主事歷員外郎五年任郎中六年調吏部稽勳司郎中七年改考功八年轉文選九年陞南京太常寺少卿十一年改

提督四夷館十二年回籍十九年起南京鴻臚寺卿

項錫字秉仁浙江嘉興縣人嘉靖癸未進士十七年任尚寶司少卿二十一年陞南京鴻臚寺卿二十五年陞南京光祿寺卿

國朝列卿紀卷之一百五十七終

國朝列卿紀卷之一百五十八

國初國子監叙

夫國子者羣國之貴遊子弟而學焉者也自師氏所教保氏所養備載於周禮其任重非一日矣至漢置博士歷東京又取聰明有威重者一人爲祭酒蓋古者賓得主人饌則老者一人舉酒以祭地故以祭酒爲名由漢而下晉爲國子學宋爲聰明觀齊爲祭酒省北齊爲祭酒寺並置祭酒屬太常隋煬帝改爲國子監於祭酒外取樂正司業之義增司業一人唐宋並因之號爲儒重之官非其人不任我 太祖削平元亂於乙巳歲置國子學以元故集慶路儒學爲之設博士助教學正學錄典樂典

書典膳等官吳元年定國子學官制添設祭酒正四品司業正五品博士正七品典簿正八品助教從八品學正正九品學錄從九品典膳省註十年置中都國子學十四年更祭酒一人從四品司業二人六品監丞二人正八品博士五人助教十五人典簿一人俱從八品學正十人正九品學錄七人典膳一人俱從九品掌饌二人雜職十五年相地於都城之北改國子學爲國子監頒教條及禁例於天下二十六年革中都國子監二十一年壽州學訓導劉亨疏國子祭酒品位不當在太僕寺卿下上頗納其說後惟陞監丞爲堂上官成祖卽位詔復洪武官制監丞仍舊屬官永樂元年設北京國子監列爲二監至十九年

定鼎北京於留都加南京二字宣德九年省司業至弘治十五年復置然二監雖並列而治法本原實始於南則夫敦道德以爲之法寧不繹聖祖所以立學之初意哉今詳各官宦履於後其行實見於事紀其勲德茂著者表爲列傳

國朝列卿紀卷之一百五十八

勅使國子監祭酒年表

李文忠 直隸盱眙人

國初國子監祭酒年表

許存仁 浙江金華人國初徵文學吳元年任洪武元年被劾謫韶州安置

梁貞 浙江新昌人故元監生洪武元年以兩浙鹽運使拜太子賓客兼國子監祭酒三年致仕

魏觀 湖廣蒲圻人國初以文學舉洪武三年任四年坐祀禮不以時奏謫知龍南縣後歷蘇州府七年被誣獲罪

樂韶鳳 直隸全椒人洪武十二年由兵部尚書致仕起任十三年致仕

李鴻漸 直隸江都人名敬洪武十四年由刑部尚書致仕起任十五年坐事得罪

吳顯 卽伯昂河南歸德人洪武初舉明經十五年任十六年坐罪免後以疾卒於家

宋 訥 直隸滑縣人洪武中舉文學歷文淵閣大學士十六年任二十三年卒於官

龔 敷 江西鉛山人洪武中舉明經歷太子賓客四輔官二十三年任二十四年坐罪免

胡季安 江西南昌人洪武初舉明經儒士二十五年任二十九年坐罪免

吳 啓 人洪武二十九年以學正署祭酒事

楊 淞 江西建昌人洪武初以明經舉二十九年任三十三年坐罪免

張顯宗 福建寧化人洪武辛未進士三十一年任革除四年陞工部右侍郎本年復補祭酒坐罪免後復起終交趾布使

徐 旭 江西樂平人洪武乙丑進士永樂元年任二年被劾降翰林院修撰後卒於官

胡 儼 江西南昌人永樂二年任八年以祭酒兼侍讀掌翰林院事洪熙元年加太子賓客致仕正統八年卒於家

勅使國子監行實

李文忠字思本世為泗州盱眙人父貞尚 皇姊曹國長公主

生文忠十二歲而公主薨時天下亂文忠與 上相失甲午冬

上駐兵滁陽文忠父子來見 上嘉甚養以為子賜姓朱氏初令

就學聰悟輒能記憶 上曰人固不可不知書然今方事武且

當令習弓馬丁酉年十九以舍人領軍往援池州陳友諒兵寇

城文忠奮擊敗之戊戌正月進攻青陽石埭太平旌德皆下二

月敗元院判阿魯灰於淳安縣之萬年街遂破苗軍於於潛昌

化獲其人口資貨甚富文忠恐士卒貪貨賄莫有鬪志因悉焚

之曰此何足惜能努力破敵何患不富貴乎進取淳安夜襲破

偽洪元帥營降其衆千餘三月會同僉鄧愈院判胡天海兵取嚴州克之立德興翼元帥府授帳前總制親軍都指揮使司左副指揮兼領元帥府事守嚴州時嚴州新附城守未備而苗帥楊完者兵水陸奄至文忠出奇大敗其衆復以所斬俘馘載巨筏中順流而下餘衆見之皆遁五月壬子楊完者復率衆進屯嚴州烏龍嶺欲攻建德文忠復從鄧愈擊走之六月癸酉文忠以浦江與建安比境乃先率兵由間道以取之縣有鄭氏自宋建炎間聚族同居元至大間旌表爲孝義之門其家避兵山谷中文忠使人訪其所在悉令還家八月己丑苗軍元帥秦不花等以同僉員成書來納款且言其部帥李福等士卒家人俱在

桐廬皆願效順文忠以上命慰諭之九月戊戌員成遂率元帥劉濟劉震黃寶蔣英等三萬餘人來降己亥二月張士誠遣將攻嚴州文忠出兵夾擊大破之殺獲甚衆四月士誠兵復至大浪灘文忠兵出擊復破之又遣元帥何世明攻分水縣斬首五百餘其衆潰走士誠憤其敗十二月復遣其將陸元帥花將軍軍據分水縣夏元帥之新城三溪以遏我師文忠仍遣世明率精兵千餘擊之斬陸元帥花將軍等千餘人焚其營自是士誠兵不復窺嚴州庚子九月陞文忠同僉行樞密院事辛丑上命城嚴州越三月而成六月胡大海接信州生擒陳友諒平章李明道宣慰王漢一是時文忠承上命署金華分省事大海

因械明道等於文忠文忠釋其因而禮之俾爲書招論建昌守將王溥溥漢二之兄家以其衆來壬寅二月金華降將蔣英劉震等叛殺胡大海及郎中王愷等據其城文忠聞之卽遣椽史郭彥仁元帥何世明等往討之兵至蘭谿英等懼夜半驅掠城中女子開門南走文忠因率元帥袁洪等所部兵入金華守之分遣左右遍歷其地撫輯人民仍遣人送大海愷喪還建康處州李佑之聞蔣英殺胡大海亦殺院判耿再成元帥朱文剛等文忠隨遣王祐何世明往屯縉雲以圖之三月陞文忠爲浙江等行中書省左丞總制嚴衢信處諸全軍馬辛亥張士誠弟上信乘蔣英之亂率兵萬餘圍諸全經二十九日爲謝再興所敗

復益兵攻城文忠遣胡德濟往援以計敗之癸卯九月諸全叛將謝再興以張士誠兵犯東陽文忠率部將敗之義烏乙巳二月丙午張士誠憤義烏之敗復遣李伯昇將兵二十萬挾叛將謝再興寇新城胡德濟告急於文忠文忠以諸全重地而敵勢之來意在必克將自往救之乃先命指揮張斌元帥張俊領兵出浦江爲聲援士誠又以兵自桐廬遡釣臺石犯嚴州文忠命以舟師扼於江以何世明袁洪柴虎三師守城而率指揮朱亮祖以下行次浦江啣枚而進且檄處州兵來會至龍潭距寇不二十里有白氣覆我軍旣而候卒告寇至文忠馳馬視去營遠而久元帥嚴德力止曰三軍之命懸於主將一有不戒衆何恃

馬文忠乃還會所檄處州兵亦至遂與敵戰大敗之追奔十餘里死者數萬獲其偽同僉韓謙理問勝忠元帥遇肖壽山等六百餘人軍士三千馬八百糧草輜重鎧仗無筭李伯昇及偽五太子遁去文忠入新城諸將皆喜相慶賀 上聞新城捷以御衣名馬賜文忠賚賞將士有差丙午九月 上既命相國徐達平章常遇春總兵攻蘇州命文忠以兵取杭州文忠率指揮朱亮祖耿天壁攻桐廬偽元帥戴某降文忠復遣指揮袁洪等攻富陽克之擒偽同僉李天祿兵至餘杭遣孫虎等領兵扼其援而自督兵圍其城十一月守將謝五與弟姪五人以餘杭降文忠以其兵攻杭州偽平章潘原明亦出降并執蔣英劉震以獻

文忠以 上命慰諭之宿諸軍於城上下令曰敢有人民居者斬有一卒取民釜以爨卽磔於市以徇城中民皆按堵得兵二萬糧二十一萬馬六百匹始入城原明以女樂迎於道文忠叱去之召元平章丑得長壽等諭之曰全城歸附者張氏平章潘原明也汝等皆元之臣子苟知倫理大義則當效死報國或知天命之有在則同納款以效順今原明旣已歸附汝等不伏節死義尚何面目來見我乎令武士曳出之與蔣英俱繫送金陵并遣潘原明以下官屬隨行十二月改浙東行省為浙江等處行中書省陞文忠為平章政事復姓李氏吳元年二月 上以誥授文忠曰朕舉義兵自淮右至於江左經營疆宇賴勲臣同

心一力成茲大業若國戚之策功者則罕有焉爾李文忠吾姊之所生也自幼撫育視同已子教以文習以弓馬年旣弱冠仍俾僉院於金華開省於嚴陵爾能憑烏龍之險破苗獠之帥領軍援諸暨之圍寇兵十餘萬當爾之鋒者驅以擣臨安克其奇偉浙西之乎實由此勝比者長驅以擣臨安克其堅城民安堵如常時不知有更革也用是命爾文忠爲行省平章鎮茲浙士於戲惟爾文忠以分則君臣也以親則甥舅也以恩則父子也尤當守章憲修政務撫民馭軍圖盡其道况浙地其俗奢爾示儉其習澆爾率厚其或徧僻爾導以正惟慎可以奉職惟勤可以處事惟公可以律身其明聽朕命可榮祿大夫浙江等處行

中書省平章政事初 上得金陵以軍民不給知府王顯嘗請增田租民頗病之文忠以其事聞請減其額 上從之洪武元年五月福建陳友定餘黨金子隆等糾合散卒寇將樂延平等處閏七月 上命文忠總兵擒獲之閩地悉平二年春以文忠爲偏將軍副常遇春征迤北由遵化度鹿兒嶺敗元將江文清軍於錦川次全寧元將也速迎戰又敗之進攻天興州文忠又設伏破其軍遂進克上都元主北走俘其宗王慶王等常遇春薨於軍徐詔文忠伐領其衆援慶陽師至太原而大將軍徐達已討平慶陽時大同受敵甚急文忠乃由代縣出鴈門次馬邑破其邏騎數千進次白楊門文擒黠虜四太王遂大破虜衆擒

其將脫列伯大同圍解進踰莽哥倉不見虜而還三年正月授
征虜左副將軍總兵北伐二月師出野狐嶺至興和降其守將
進師察罕腦兒擒其平章竹貞五月敗元太尉蠻子平章沙不
丁朶兒只八剌等於白海子之駱駝山進至開平聞元主在應
昌卽提兵晝夜兼程襲之遂進克應昌時元主已殂 太子愛
猷識理達臘單騎遁去獲其嫡孫買的里八剌及太子妃陳答
里官人諸王省院達官暨宋元玉璽金寶一十五宣和殿玉圖
書一玉冊二鎮圭大圭玉斧玉帶各一送京師文忠復追愛猷
識里達臘至北慶州失其所在師過興州遇元將唐國公江文
清等率部屬軍民來降至紅螺山又降其部將楊思祖等一萬

六千餘人十月詔文忠班師還至龍江 車駕出江上嘉勞甚
至明日文忠復上表稱賀 上論功行封文忠北逐元太子獲
元皇孫妃嬪重寶功最大賜誥曰咨爾榮祿大夫浙江等處行
中書省平章政事李文忠朕思人生天地間思之深者莫過於
骨肉此天性自然不待教而能也爾文忠為吾姊氏所生朕創
業以來爾自幼提兵僉樞金華間省嚴陵剿苗獠於烏龍却援
兵於諸暨所至撫馭有方人懷爾惠連年戰勝不聞為敵所侮
比者每人甌閩削平餘寇進征薊北屢奏捷音乃帥師應昌得
元之遺子暨寶玉以歸威振沙漠後功益著朕於爾親則甥舅
較前後之功當與勲臣同列今天下已定論功行賞是用授爾

開國輔運推誠宣力武臣特進榮祿大夫右柱國大都督府曹國公同知軍國事食祿三千石使爾子孫世世承襲以報爾功於戲爾瞻於我如母存焉恪守忠貞服勞帝室永延世祿與國同休復錫券及文綺帛六十四匹四年七月西蜀平詔文忠按行四川開拓新城經畫庶務乃調濠梁等衛官軍於保寧諸處各立千戶所以鎮之五年正月 上賜彤弓百交趾弓五十 上嘗御武樓與諸將論邊事魏國公徐達因言王保保遁在和林宜因時乘其敗而擊之 上乃詔達與文忠及馮勝率兵十萬分三道并進文忠為征虜左副將軍總兵由東路出居庸文忠率都督同知何文輝欲取和林兵至口溫虜聞之棄營遁走獲

其輜重雜畜無筭進至哈刺莽來虜部落皆驚潰文忠諭將上曰兵貴神速千里襲人難以重負留部將韓政駐輜重於廬胸河命士卒人持二三日糧兼程而進至土刺河虜將蠻子哈刺章知之悉騎度河結陣以待文忠督兵與戰數合虜稍却追至阿魯渾河虜兵益衆宣寧侯曹良臣等戰歿文忠馬亦中流矢下馬持短兵接戰從者劉義直前突擊以身蔽文忠指揮李榮以所乘馬授文忠自奪虜騎乘之文忠勒馬橫槊麾衆更進士卒殊死戰虜衆遂敗得馬畜萬計追至稱海虜兵復集文忠整兵據險縱所獲馬畜於野示以閒暇居三日虜疑有伏兵不敢逼乃遁去文忠引兵還夜行失故道糧且盡至桑哥兒麻士卒

無水渴甚有死者文忠默禱於天忽所乘馬跑地而鳴掘之果有泉湧出人馬賴以濟六年正月詔文忠與大將軍徐達往山西北平訓兵防守十月 上詔達等還京令文忠率諸將士養銳山西以防虜寇七年三月文忠駐兵代縣遣將四出三不剌擒其平章陳安禮水屑飛至順寧陽門斬其將真味驢至白登俘其國公鄧孛羅帖木兒至朔州擒其大尉伯顏不花七月攻大寧高州大石崖克之斬其宗王朶朶失里擒承旨百家奴復遣指揮唐其追至羶帽山遇故元魯王營於山下以兵圍之斬魯王等獲其妃蒙哥顏并金甲一玉圖書一八月文忠師進豐州兮道追擊胡兵擒其故官十二人虜衆百二十餘人馬駝牛

羊甚衆文聞胡兵駐伯于兒之地遣兵追之不及而還十年秋詔致祭泰山十二年洮州十八族番酋三副使江舒朶兒等叛命征西將軍沐英討之二月復制諭文忠往河州岷州臨洮鞏昌梅州等巡視城池各衛軍馬悉聽節制五月文忠等兵次洮州故城會番酋三副使何江順朶羅只棄城遁遂督將校領兵追之獲積石州叛逃土官阿里七站土官失納等斬之遂於東籠山南川城置洮州衛留官軍守之六月勅文忠移師住鞏昌十三年詔還叅贊軍國事十六年正月詔文忠兼蒞國子監事十二月有疾是年春疾轉亟 詔皇太子臨視 上復親幸其弟撫慰良久至是薨年四十有六文忠性沉厚持身誠恪有謀

國朝列傳卷之五十八
十一
慮臨陣常身先士卒至遇大敵膽氣益壯每戰勝必以功推下
及釋兵家居恂恂若儒者其在 上前論事盡誠無隱 上多
嘉納之好儒重士器量閎雅在金華時嘗業師儀范祖幹講學
爲詩於音樂華靡事泊如也薨之日 上痛悼不已輟朝三日
親爲文遣使致祭追封岐陽王謚武靖賜葬鍾山之陰誥曰自
古帝王創業必有親戚子弟委心孝順以助興隆之運故生有
爵祿之榮沒有褒贈之寵斯古今之彝典也茲爾開國輔運推
誠宣力武臣特進榮祿大夫右柱國大都督府左都督曹國公
同知軍國事李文忠乃朕姊氏所生當朕起兵之時爾年尚幼
能立志立功佐朕開拓疆宇所向克捷威振遐方民懷其惠及

天下寧謐四夷來庭厥功居多而小心勤慎始終如一其於甥
舅之親君臣之義能兼之矣正期共享太平夫何膺疾長逝朕
甚悼焉生封公死封王已著令典特封為岐陽王謚武靖以慰
爾於冥冥嗚呼爾能篤親親之義成開國之勲名播華夷福及
後裔可謂死而不亡者矣仍進封其上三世皆王爵妣皆王夫
人子三人皆 上所賜名長景隆襲爵曹國公次增枝初授勲
尉繼擢前軍左都督次方英授中都正留守

國初國子監祭酒行實

許存仁名元以字行浙之金華人祖謙學於金履祥得朱子傳
學者稱白雲先生元末 高皇幸金華訪求其後召存仁未至

而乘輿已還乃驛赴京師一見與語大說曰何相見之晚也
拜京學教授仍命入傳皇太子及諸王歲乙巳九月丙辰朔
置國子學以元故集慶路儒學為之設博士丙午三月戊戌
書典膳等官以存仁為博士丙午三月戊戌上與存仁論用
人上曰孟子言五百年必有王者興其間必有名世者古之
帝王君聖臣賢可以當之漢唐以下其君臣何如存仁對曰
主上聖智神武天生不世之資以平禍亂今羣賢畢出佐隆大業
稽之於曆自宋太祖至今當五百年之數定天下於一斯其時
矣五月上發濠梁省陵墓命從行八月壬子命存仁進講
經史存仁講尚書洪範至休徵咎徵之應上曰天道微妙難

知人事感通易見天人一理必以類應今宜体此下修人事上
合天道然豈特為人上者當勉哉為人臣者亦當修省以輔其
君上下交脩格天之本也吳元年四月上至白虎殿見諸子
有讀孟子者問曰孟子何說為要對曰勸國君以王道施仁政
省刑薄賦乃其要也上曰孟子專言仁義使當時有一賢君
能用其言天下豈不定於一乎冬十月丙子定國子學官制祭
酒正四品司業正五品博士正七品典簿正八品助教從八品
學錄從九品典膳省註陞存仁為祭酒奉燕間備顧問啓沃論
思最見禮遇出入兩宮且垂十年自稽古禮文之事至於人
材進退時政弛張無不預議及修舉廢墜更規設法以教國子

國朝列傳卷之五十一
條例數十事皆見施行會存仁嘗以學宮什器用諸私室言官以移用官物坐之章人上覽之笑而已適浙江僉事程孔昭劾奏存仁駐杭娶妾飾牀以象牙非師臣體乃詔勿治安置韶州既至韶卽張文獻公祠以居好事者繪為南華謫居圖後遇赦還卒

梁貞字叔亨浙江紹興府新昌縣人元至正中為國子監生端慤寡言時之碩儒多愛之由國子伴讀授太平路儒學教授上之克太平也貞與諸儒迎見所言輒援詩書有根據上說之命為江南行省都事遷湖廣按察僉事兩浙都轉鹽運使拜太子賓客日侍太子讀書大本堂洪武元年六月命兼祭酒掌

監事倣周制以六德六藝從容訓迪務底於成有異才出類者卽奏聞擢用之二年春正月詔給國子生冬夏衣初國學既建諸博士皆就職胄子在內府者令布衣高啓謝徽教之至是諸生方序立右順門內貞傳旨下曰勅諸生出受業大學遂皆趨出就班自是歲賜衣以為常二年九月坐事放歸田里後卒於家

魏觀字杞山湖廣武昌府蒲圻人父雲瑞隱德弗耀觀讀書蒲首山中勤苦弗輟性喜吟咏觸物感興陶寫自如乃構亭曰梅初以寄志焉元呂忠肅公讀其詩嘆賞薦於朝辭弗就國初被徵與青田劉基金華宋濂多儒同謁上與語大奇之授平江

州學正遷國子助教浙江提刑僉事吳元年改兩淮都轉運使
入為起居注一日同待制王禕侍 上問曰漢高祖唐太宗孰
優觀曰太宗雖才兼文武於善未免矯揉高祖豁達大度規模
弘遠以茲觀之高祖為優 上曰高祖之度人皆知之然其記
兄嫂之怨封其子為曼羨侯怨豐之叛不封雍齒不肯以豐為
湯沐邑度亦未弘矣太宗規模雖不及高祖然其能駕馭羣臣
各為已用大業已定卒能保全功臣此則太宗為優也洪武初
建大本堂 命觀侍 太子說書及授秦晉諸王經觀有詩記
之詩曰翠葆葳蕤龍鳳旗東華遙望立多時都堂啓事貂蟬集
率衛輪班虎豹馳月繞珠簾陞講廣花迎金輅肅朝儀六王炳

炳前星後珠緯聯輝上玉墀二年十月甲戌降甘露於乾清宮
林 上問災祥觀曰帝王恩及於物順於人則甘露降 陛下
誕寬民賦衆庶懽豫底於清寧神應之臻職此故也十一月冬
暖如春 上召偕危素詹同吳琳宋濂遊觀內苑錫燕紫閣御
製序文賜之曰卿等各賦一詩以紀今日之樂觀奏詩云深冬
晴煖動逾旬內苑遊觀詔侍臣五色慶雲開鳳尾九重麗日繞
龍鱗和鸞喜奉彤車御式燕慚叨紫閣宸淑氣已從天上轉人
間無地不陽春 上覽之大喜三年正月轉太常卿 賜制曰
太常之職掌郊廟社稷山川羣神之祀厥任重矣爾觀學行方
正事朕有年屢持憲節振揚風紀及領鹽運勞績茂彰頃居翰

院日紀言動朝夕之間屢進讜論尤簡朕心茲用長於太常益
恭乃職七月 命觀改定太廟祝文稱孝子皇帝臣凡遣 太
子行禮稱長子某著為令是月陟侍講學士十二月辛酉編集
大明志成以觀為嘉議大夫國子祭酒宋濂為司業四年遷試
進士觀與博士孫吾與修撰王僕為讀卷官乃得吳伯宗等一
百二十人時開科之始得人最盛而伯宗卒為名臣人以此多
觀之識九月坐考祀孔子禮不以時奏謫知龍南縣濂知安遠
縣行未至任卽召還以為禮部主事 上賜燕奉天門喜曰前
日逐卿去今日與卿飲何其樂哉仍 命各賦一詩五年三月
上念姑蘇為京輔重地經張士誠之亂荼毒罔有寧宇廷臣咸荐

觀有治才乃出知蘇州府既蒞事懲陳寧苛政鋤暴樹良而且
肅綱紀敬老恤民大建學舍闢宣聖廟庭舉鄉飲酒禮聘大賢
士周南老王行徐用誠與教授貢穎之定儀節高啓王彝張羽
闡文學郡多耆耄崑山周壽誼年百有十歲吳縣楊茂年九十
三林文友年九十二皆延至之禮成彬彬可觀壽誼遠躬餞諸
郊再拜送之觀者如堵時戎事倥匆百物彫耗禮文衰落乃能
力挽躬行風教勃興封部皞然課績為天下最 上嘉之陟為
四川行省叅知政事蘇父老上疏願留仍命觀遠里七年觀以
舊治制為士誠竊據且郡多水患乃修府浚錦帆涇以壯士觀
以資民利御史張度誣其興旣滅之基遂與高啓俱獲罪 上

悔之命所在致祭 皇太子諸王哀賻有加乃歸瘞於蒲圻燈
窩山

野記云太祖平吳後慮猶有餘孽城守難其人與 孝慈議因
言惟魏觀可守已致仕及同起事有蔡本忠勇可武衛今在散
地 后勸贊用之 上即命召二臣既至引入後宮便殿賜坐
二臣叩頭謝且請 上睿旨所在 上曰朕新得蘇州恐餘孽
包毒朝夕在心今思其人惟卿觀公忠疆幹可為朕一守顧本
言爾我好弟兄託得爾過爾指揮其皆毋辭二臣又拜領 宸
旨將辭出 上曰且住皇后要見爾少頃 后出宮人携酒果
以從 上手酌以賜二臣受飲拜謝而出

又云魏守欲復府治兼濬城中河御史張度劾公有興滅王之
基開敗國之河之語蓋以舊治先為偽周所處而卧龍街西游
川即舊所謂錦帆涇故也 上大怒置公極典高太史啓以作
新府上梁文與王尋皆與其難高被截為八段

詞林記云杞山予里人也予自髫年訪其廬弔其墓未嘗不泣
然悲焉及誦其所為蒲山牧唱集思見其人而弗可得也既而
讀楊符卿序曰先生之心廣大而高明先生之才篤實而端重
其學博其詞贍其所履任率有成績事至不擇利害而為之有
古大臣君子之風黔國沐璘亦曰貌偉而修氣完而優聳衡廬
之神秀瑩江漢之清秋其為德也雖畊而隱其為名也匪釣而

求與宋景濂碧崖亭辭蘇伯衡梅初亭記相符合也

樂韶鳳字舜儀一字鳴瑞直隸滁州全椒縣人元末兵起有經世之志乙未年謁太祖於軍門與語奇之是秋扈蹕渡江參贊機事從下金陵丁酉年授江南行省管勾洪武三年授起居注四年遷給事中尋進中書左司員外郎本年陞兵部侍郎六年陞本部尚書正月戊午上念天下既定恐中外將卒習於安逸弛武藝命同省臺督府定議教練軍士法凡騎士必善馳射及用鎗刀步兵必善弓弩及鎗刀凡射十二箭內六箭遠可到近可中者爲中式并定賞罰各有差本年六月改翰林侍講學士與承旨詹同定祀孔子樂章迎神奏咸和之曲奠帛奏寧

和初獻奏安和亞獻終獻奏景和徹饌奏咸和送神復奏咸和之曲七月製中都城隍神主太祖親爲文遣韶鳳奉安九月編集大明日曆命韶鳳爲催纂官又命擇唐宋名儒表箋可爲式者頒行天下七年九月上以祭祀還用樂舞前導

命翰林儒臣撰樂章以致敬慎鑒戒之意諭韶鳳等曰古人詩歌詞曲皆寓諷諫之意後世樂章惟聞頌美無復古意矣嘗聞諷諫則使人惕然有警若頌美之辭使人聞則自警之意怠而自恃之心生蓋自恃者日驕自警者日強朕意如此卿等其撰述母有所避至是上所撰神降祥神貺惠并酣酒色荒禽荒諸曲凡三十九章曰回鑿樂其辭皆存規諫其舞分爲八隊隊皆

八人禮部具圖以上命樂工肄習之八年三月 上以舊韻起於江左多失正音乃 命韶鳳與諸廷臣以中原雅音正之書成名曰洪武正韻九月命考陵寢朔望節序祭祀禮韶鳳奏漢祖諸廟寢園各有便殿日祭於寢月祭於廟時祭於便殿後漢都洛陽以關西諸陵久遠但四時用特牲致祀每西幸卽親詣洛陽諸陵每正月祭郊廟畢以次上陵唐園陵之制皇祖以上至太祖陵皆朔望上食元日冬至寒食伏臘社各一祭皇考陵朔望及節祭日進食又薦新於諸陵高祖永徽三年有司言獻陵三年之後每朔望上食其冬夏二至伏臘清明社等節俱上食顯慶五年太常博士彭璟直上疏曰近代始以朔望諸節日

祭於陵惟漢時議京師自高祖下至宣帝等陵旁立廟園各有寢有便殿日祭於寢月祭於便殿唐玄宗開元二十三年四月勅獻昭乾定喬共六陵朔望上食冬至寒食日各設一祭如節祭與朔望相值則依節祭禮每歲春秋仲月遣太常宗正卿朝拜祖宗諸陵欽惟我朝祭祀 皇陵舊儀每歲元旦清明七月望十月朔冬夏二至日祭用大牢其伏臘社每月望朔日則用特羊祠祭署官行禮如節與朔望伏臘社同日則用節禮 上俱從之十一月 詔定登壇脫舄禮韶鳳奏古者侍坐於長者履不上於堂解履不敢當堦就履而舉之屏於側註云履賤者則不敢陳於尊者之側長者在堂則脫於堦下長者在室則着

屨上堂而不着入室漢魏以後朝祭則跣襪惟蕭何劔履上殿
宋時南郊皇帝至南堦脫舄下壇入廟脫舄升殿梁大廟中凡
有履行者應皆跣襪唐禮志正旦冬至羣臣朝賀上公一人詣
西堦脫舄解劔升御座前跪賀降至西堦佩劔納舄燕會羣臣
應升殿者禮同宋開寶通禮太廟裸獻饋食并禘祫皇帝至東
堦下解劔脫舄仁宗時正旦朝賀中書令門下侍郎解劔脫舄
以次升殿又按神宗時宋敏求詳朝儀大尉中書令門下侍郎
解劔脫舄以次升賀訖降堦佩劔納舄今議於郊祀廟享前期
一日有司以蓆藉地設御幕於壇東南門外及設執事官脫履
之次於壇門外西側祭日大駕臨壇入幕次脫舄升壇其升壇

執事導駕贊禮讀祝分獻陪祭官皆脫舄於外以次入壇供事
協律郎樂舞生依前跣襪就位祭畢降壇納舄 上俱從之尋

以病免九年起國子司業十二年陞祭酒 上賜諭曰文廟之

設是尊先師也因之爲國學焉歷代以之訓君嗣教公子也觀
斯所以不爲不重故哲王必選名儒以導學者今朕法前代命
爾承是師範闡揚博通使幼者記壯者解毋怠寸陰不但稱汝
職任甚有補於朕政汝往欽哉八月詔定 皇太子與諸王往
復書劄禮部鳳考據精詳屢蒙 褒答十三年雷震奉天殿

上以羣臣多不職罷之詔鳳先以病致仕以壽考終墓在縣西沿
村河韶鳳爲人和易簡諒弟暉以人才知開封府禮太常卿毅

諸暨同知均為世所重云

詞林記云予讀魏杞山詩有云詹吳宋樂皆時彥撰述承恩晝夜同已知樂學士為名人矣及觀國史乃得其詳乃知稽古禮文厥功亦不為無助也

李敬字

初名鴻漸直隸揚州府江都縣人洪武初年以文

學徵改名敬六年授刑部尚書本年致仕十四年三月丙申起敬為祭酒并起致仕禮部侍郎劉崧為司業 勅曰朕聞古者賢良之臣人君不忍其去以其有益於國也朕所用非人致災異疊見賢才避位卿亦其忍去哉今特遣行人召爾敬為國子祭酒崧為國子司業其來毋稽癸丑賜敬與崧鞍馬夏四月丙

辰朔

命國子生兼讀劉向說苑及律令

上諭敬曰士之為

學貴於知古今窮道理聖經賢傳學者所必習若說苑一書劉向之所論次多載前言往行善善惡惡照然於方冊之間嘗以暇時觀之深有勸戒至於律令載國家法制參酌古今之宜觀之者亦可以遠刑辟卿以朕意導諸生讀經史之暇兼讀說苑律令必有所益矣八月丁巳 命敬釋奠於先師孔子冬十月有罪免餘詳國初刑部

吳顥字伯昂河南歸德州人容貌魁偉洪武十五年四月祭酒

李敬得罪顥以儒士舉至京特命為祭酒 上諭之曰國子學

者天下賢才所萃而四方之所取正必師道嚴而後模範正師

道不立則教化不行天下四方何所取則卿宜崇德重義正身率下俾諸生有所模範若徒以文辭爲務記誦爲能則非所以爲教矣夫鐘鼓揚則聞於遠德義著則人樂從爾其慎之勉副朕意五月國子監落成自經始以來車駕臨視者數次規模閎壯前代所未有也已未遣官祭先師孔子以大牢禮畢顒等升堂諸生受業乙丑上幸國子監謁先師孔子釋菜禮成退御講筵顒等以次講畢上謂之曰中正之道無踰於儒上古聖人不以儒名而德行實儒後世之名士雖有其名或無其實孔子生於周末身儒道行儒行立儒教率天下後世之人皆欲其中正惜乎魯國君臣無能用之者當時獨一公父文伯之母知

其賢責其子之不能從則一國君臣可媿矣卿等爲師表正當以孔子之道爲教使諸生成趨乎正則朝廷得人矣復命取尚書大禹臯陶謨洪範親爲講說反覆開諭羣臣聞者莫不悚悅遂賜宴竟日而還丙寅顒率博士龔敷等上表答謝各賜羅衣二襲官民生許恒等四百三十人各賜青夏布衣十六年正月乙卯賜顒等及監生沈翥等七百六十六人元宵節鈔時武臣子弟有怠於學者顒以寬縱不繩檢至是免還鄉後以疾終於家

宋訥字仲敏直隸大名府滑縣人父崇祿元陝西行臺侍御史贈叅知政事追封魏郡公諡忠肅訥爲名家子雅性持重不妄

言笑讀書記問該博登元至正癸卯進士第筮仕鹽山縣尹遭世亂隱居求志入國朝文名益昌於時洪武二年春正月中書省徵儒士十八人纂修禮樂訥與焉事竣不仕而歸五年秋過元故宫盡焉傷之作詩以寓黍離之感誦訥詩者知其明於春秋華夷之辨也十三年四輔官杜敷薦訥才堪任用勅符召至京師上與訥語大說之授國子助教橫經發難擊部廓塞學者如客得歸十五年五月同諸儒應制撰諸勅文操筆立成雅稱上意超拜翰林院學士奉議大夫尋命撰國子監碑文又復稱旨賞賚衣帽文綺及鈔已而召其子安賜鈔十錠七月上觀尚書至敬授人時謂訥曰敬天之事後世中

主猶能知之敬民之事則鮮有知者蓋彼自謂崇高民皆事我者分所當然故威嚴日重而恩禮寢薄由視民素輕故也視民輕則與已不相干而畔渙離散不難矣惟能知民與已相資則必無慢視之弊故曰可愛非君可畏非民衆非元后何戴后非衆罔與守邦古之帝王視民何嘗敢輕故致天下長久者以此而已尋有上治平策者上覽之顧謂侍臣曰此人論治而不及用賢天下之大乃欲朕一人理之乎蓋獨智自用則所見者狹資賢而用則所及者廣訥對曰誠如聖諭但賢才之在天下人主豈能周知必賴羣臣薦舉然得賢與否繫夫舉之者何如爾上曰然小人所舉未必爲君子君子所舉未必爲小人

國朝列傳卷之五十八
故觀其舉者即可知其人之賢否矣十一月改文淵閣大學士
時年逾七十 上親製誥詞曰朕觀古今賢能者遇君有遲速
名彰有先後蓋時運不齊而壯衰相臨故也然昔呂望於磻溪
猶有非熊之兆而興周八百爾訥年雖高邁宜往欽哉訥感知
遇每有所補拾日見親信嘗寒附火火燎脇下衣至膚始覺
上聞之製文警訥曰脇者協也豈爾居內相不能協助人主爲政
致神怒若此邪訥頓首慙謝時大學初成中外歲貢生徒日適
僣悞者掌之師生相奸教尼不行十六年訥轉朝列大夫國子
監祭酒 上復勅諭曰大學賢士所關禮義所由出人材所由
興自建學以來歷選師儒以居是職至今未臻其效豈士習之

難變抑師道之不立與此朕所以夙夜究心慎擇老成以任之
惟卿夙學者德可以任此卿宜體朕意使士習丕變邦其有賴
焉請於 上嚴立學規諸生皆知敬畏 上由是特厚眷之慮
功臣子弟有不服朴罰者 命曹國公李文忠兼領監事由是
貴胄肅然受教一日訥有疾 上遣中使致諭有曰卿秉天命
之性發仲尼之誠施已幽德修道教人所以病不泰病而速差
以其有神也恒謂訥骨格必壽適有畫工至 上命繪其像肖
焉喜溢 天表然終老之以其子麟上望江簿特 勅召之還
俾便侍養其被遇優渥類此十八年二月久雨求直言訥獻安
邊策曰今海內旣安蠻夷奉貢惟沙漠胡虜未遵聲教若置之

不治則恐歲久醜類爲患邊圉若欲窮追遠擊又恐六師往還
萬里餽運艱難士馬疲勞 陛下欲爲 聖子神孫萬世之計
要不過謹備 之策耳備邊固在乎兵食足食又在乎屯田屯
田之制必當法漢本始年中匈奴帥十餘萬騎而南欲爲寇漢
將趙充國乃將四萬騎分屯緣邊九郡單于聞之引去夫以四
萬騎分屯九郡而充國統制其閒則當時之籌畫區分槩可想
見我 朝諸將中勇知謀略豈無如充國者哉 陛下宜選其
智謀勇略者數人每將以東西五百里爲制隨其遠近高下立
法分屯所領衛兵以充國兵數斟酌損益率五百里屯一將布
列沿邊之地遠近相望首尾相應耕作以時訓練有法遇敵則

戰寇去則耕此長久安邊之策也又何必勞師萬里求僥倖之
功以取無用之地哉 上嘉納之遂令邊軍皆屯田且耕且守
著爲令乙丑戊辰兩科 上策進士魁選恒在太學得士大率
二天下之二及任亨泰廷對第一召訥褒賞撰進士題名記立
碑於監門學錄金文徵畏其教範嚴厲嗾吏部尚書余燦移文
以年老致仕比訥 陛辭 上訊知其故以燦蔽賢擅權并文
徵等皆誅之 賜訥慰訥居位如故二十三年五月建歷代帝
王廟及廣惠祠落成例使翰林詞臣記其事 上以訥文體莊
重乃 特命訥撰之訥居常寢食恒在廂房未始一日宿於家
二十三年春正月訥有疾 上遣尚醫來治二月乙未朔疾革

國朝列傳卷之百五十八
子麟等托諸監官懇辭歸家訥厲聲曰是何風雲氣少兒女情
多况在丁社兩祭齋戒中邪丁酉祭畢乃就昇歸一不口及家
事薄暮甫抵家卒年八十 上自製文遣官致祭迨臨發柩時
上再遣祭舟車之費一出於官故事文臣四品無給費者蓋異數
也長子麟擢進士第拜監察御史出主望江簿次復祖鄉邑訓
導其後歲辛未大學生有連舉大魁者 上思訥曰此宋祭酒
訓迪之功也凡諸生守官稱職者多由訥門 上每舉訥爲教
國子者楷法復祖服闋 上召爲國子司業進而諭之曰若尚
思繼武若翁也其始終眷注自閒 國以來文臣罕有其比人
以訥素履純恪所致云訥家西南三里卽瓠子堤忠肅公嘗構
亭名曰西隱訥更築白雲茅屋其間故所著詩文二十卷號西
隱集今行於世

龔數字文達江西廣信府鉛山縣人學問該博性行敦實洪武
初以明經任府學教授十三年監察御史葉孟芳高其學行薦
至京師會雷震謹身殿欲調和陰陽以數爲四輔官兼太子賓
客位列公侯都督之次 諭令德合天人以臻至治數爲春官
吳源爲夏官其年冬令應時明年春夏頗愆遂與源皆遣歸尋
並見召源先卒數爲博士十五年陞左司業奏定節假事例行
之二十三年三月乙丑 命掌監事與禮部尚書李原名修撰
掌翰林院事黃子澄申定官民服飾叅酌時宜務存古意原名

國朝列傳卷之五十八
等定議 上從之頒示中外尋命爲祭酒二十四年有監生告假還家不以奏聞 上怒其賣放置於法

胡季安字

江西南昌府南昌縣人元至正丙申鄉舉洪武

初由明經儒士授景州學正二十四年春二月召見 命講孟

子稱旨擢試祭酒三月辛卯以監生許觀鄉試會試殿試皆第

一 特召褒獎之六月丙辰監生金弘復啓言侍親 皇太子

命祭酒考試以聞於是季安及博士石光霽試以詩義言其頗

通仍命都察院查照十二月 上以科舉歲貢當定程式命季

安與學士劉三吾議定以聞 上命禮部頒天下學校二十五

年春正月癸未朔 上御奉天殿朝賀夫宴羣臣命季安真拜

祭酒侍坐殿上二月甲子 詔季安與翰林院官考定六藝以

禮有職掌樂當別議惟定射及書數以聞冬十一月日南至

賜季安等勲祿二十六年秋七月乙卯言官劾季安受外夷子入

學束脩季安請罪 上察而宥之冬十月壬辰 詔季安選監

生三十以上能文章者二百四十一人命吏部除授教諭等官

二十七年正月乙卯監生趙孝先陳情言父戍京師年老病篤

願以身代懇於季安轉奏不許乃言於禮部以聞 上從其請

孝先詣監告辭季安有愧色三月庚子朔 詔季安撰進士題

名記立碑二十九年二月坐胡惟庸逆黨得罪免

吳啓字

人任國子監學正二十九年二月胡季

安免命啓署祭酒楊淞署司業事諭之曰大學國家育材之地天下人才所聚爲之師者不專務記問博洽在乎檢身飭行守道尊嚴使之敬慕日化於善則賢才衆矣蓋師嚴則道尊道尊則德立昔胡翼之爲大學師嚴條約以身先之此最可法四月啓言國子生例以學優劣分隸六堂邇來皆無甄別高下不分無以激勸宜考第如例上令魏國公及禮部翰林院同考試仍令吏部以次錄用毋使淹滯秋七月免

楊淞字 [REDACTED] 江西南康府建昌縣人少遊郡學通五經郡守以經明行修舉擢翰林院侍書遷博士二十九年二月命署司業事七月淞爲祭酒頗有時名亦能其官然年老性急至三十三

年以罪免

張顯宗字明遠福建汀州府寧化縣人洪武辛未進士第三授翰林院編修有孝行從政通敏陞太常寺丞三十年秋七月命署祭酒事已巳與禮部增定監規顯宗與司業韓克忠師生一千八百二十六人見上戒諭諸生曰旨宋訥爲祭酒嚴肅善教以故朝廷得人近年老儒爲祭酒學規日壞生徒全不務學用之債事今署事者增定規條敢有抗違奏聞重治若有似前貼匿名帖誹謗師長者梟首監前徙家煙瘴著爲令是時顯宗首疏便益數事申明學規綱紀一新十一月顯宗以違限監生李從新等二百一十七人比例擬奏以聞復定四川兩廣福

建過一年之上北平由西陝西湖廣半年之上浙江山東河南
江西五閱月之上直隸三閱月之上皆發充吏禮部奏聞發遣
其限外不及一月有患病文憑者送監免問已而禮部據監生
傅嵩送幼子還鄉魏文禮畢姻皆劄付本監照例定限行之是
年本監以坐堂人少誠恐諸司再取辦事不敷移文禮部及聞
於上今歲貢照二十五年例於是入監遂衆三十一年春正
月顯宗以違限監生龍友諒等二百二十人依例分豁以聞
上曰是皆無志者雖使讀書亦不成矣命吏部銓除遠方典史
以困役之秋七月顯宗真拜祭酒奏請開通成賢街正路分布
號房從之三十四年奏言監生違限有三年之上者例得典史

故逃曠自恣乞懲之上命仍充吏役三十五年五月陞工部
右侍郎往江西招集丁壯募民出粟夏六月復爲祭酒文皇
帝卽位顯宗與司業張智皆歸附庚寅謫成興州以建文中嘗
募兵江西爲軍卒執告故也永樂五年起爲交趾左布政使勞
來撫綏克盡其職永樂七年卒於官顯宗操心誠篤處事公平
在交趾時民懷其德定祠祀之性尤聰明讀書過目成誦奉
命選述有諸司職掌逆臣錄忠義錄等編及立大學規制

徐旭字孟昭江西饒州府樂平縣人自幼穎悟稍長從其鄉先
生蔡仲淵授春秋爲文辭已超詣拔出見者皆奇之年二十一
登洪武乙丑科進士第行浙江道監察御史入爲禮科庶吉士

日記事侍 上左右 上方屬意天下進士每朝諸臣退獨進士留被顧問 上未退不得退也一日 上呼旭至前將有所任使而奏對弗克稱 旨 上以其迂也命分教於涿州之房山復教諭鳳陽皆以憂去服闋擢 安王府紀善用薦者陞為知州入史館上書論天下事多不能合益落落自殊無所顧惜遂自史館出為吏部考功員外郎及 成祖即位遷郎中預修高皇帝實錄永樂元年拜朝列大夫國子監祭酒旭在 高皇帝時素以篤學見稱數言事切中當時 高皇帝嘉納之然欲老其才故抑之久而未有以用之初在考功拒請託抑僥倖是是非非毫髮無所遁其情而尤以天下之治與表仁守令與教官

守令教官弗稱其任者尤精覈之無少貸衆望風誼騰持之益堅及在太學亦如在考功時然旭純謹君子也雖盛威嚴而中情簡質好惡出乎其至誠至於卓卓自守激之而不動挫之而不撓人未有過之者也居太學僅一年諸生凜凜僅自修飾而其僚屬之不便者已譁然議之矣永樂二年坐書奏當降調雲南叅議 上問吏部尚書蹇義曰旭為人何如對曰有文學持守而於人寡合 上曰持守之人固當寡合蓋其中有所主不能脂韋依阿况兼有文學乎宜寘之近侍特 命除翰林脩撰俾預脩永樂大典為副總裁方向用之而旭卒矣時年五十二上聞之悼惜勅賜棺以斂遣禮部主事端禮諭祭焉旭終身坦夷

不事表襮而其疾惡剛勁人有所不堪者世以此高之而亦以此與之齟齬者衆也其爲學明於義利之辨爲文約而明喜薦士所薦最多且賢屢考試科舉其得士最盛而尤孝於其親自鳳陽考試河南時入朝告歸省其母疾方亟聞倍道疾趨至家母疾忽爲之愈數日竟卒人以爲孝感所致云

胡儼字若思江西南昌府南昌縣人永樂二年任尋改北監詳北監

國朝列卿紀卷之一百五十八終

